

Na osnovu člana 52. Zakona o obrazovanju odraslih („Službene novine Kantona Sarajevo“, broj: 40/15, 40/20) i Odluke broj: 29/23 od 30.1.2023. godine Centar za edukaciju i istraživanje „Nahla“ raspisuje:

JAVNI KONKURS

za upis polaznica na Program neformalnog obrazovanja odraslih „Obuka za krojenje i šivenje“ za obrazovnu 2023. godinu

I UVOD

Centar za edukaciju i istraživanje „Nahla“, u okviru provedbe projekta „Lokalno partnerstvo za aktivaciju i integraciju nezaposlenih na tržište rada“, koji finansijski podržava Evropska unija, a realizuje Međunarodna organizacija rada (MOR) – u okviru projekta “Podrška Evropske unije lokalnim partnerstvima za zapošljavanje – Faza II (LEP II)” u skladu sa Sporazumom o implementaciji broj: 02/03-11-6972/22 (40371679/0 ILO broj), od 24.3.2022. implementira Program neformalnog obrazovanja odraslih „Obuka za krojenje i šivenje“ za 12 nezaposlenih polaznica s područja Kantona Sarajevo. Partnersku mrežu koja realizuje projekat “Lokalno partnerstvo za aktivaciju i integraciju nezaposlenih na tržište rada” čine: Općina Novi Grad Sarajevo, kao vodeći aplikant, te JU Služba za zapošljavanje Kantona Sarajevo, Centar za edukaciju i istraživanja Nahla, Dizart d.o.o., TMP d.o.o., Udruženje trenera CEFE u BiH i Herbal Spa d.o.o.

II OSNOV IZVOĐENJA PROGRAMA

Centar za edukaciju i istraživanje „Nahla“ upisan je u Registar organizatora obrazovanja odraslih pod rednim brojem 3. na strani 3. Rješenjem Ministarstva za odgoj i obrazovanje Kantona Sarajevo broj: 11/04-38-15748-7/17 od 7. decembra 2017. godine. Obuka za krojenje i šivenje je akreditirani neformalni program obrazovanja odraslih po rješenju Ministarstva za odgoj i obrazovanje Kantona Sarajevo broj: 11-04/02-34-16913-3/23 od 13.1.2023. godine.

III OPĆI I POSEBNI UVJETI ZA UPIS

- a) da je kandidatkinja prijavljena na evidenciji nezaposlenih u Kantonu Sarajevo prije objave javnog poziva,
- b) državljanstvo BiH,
- c) minimalno SSS, III stepen,
- d) da je kandidatkinja starija od 18 godina,
- e) da kandidatkinja pristaje na karijerno savjetovanje u okviru Centra za edukaciju i istraživanje “Nahla” i posredovanje u zapošljavanju Službe za zapošljavanje Kantona Sarajevo nakon završetka programa obrazovanja odraslih, kao i na potencijalno zapošljavanje u oblasti za koju se obrazuje,

- f) prednost prilikom odabira kandidatkinja imat će prijavljene na evidenciji nezaposlenih – Biro Novi Grad,
- g) u slučaju jednakog broja bodova, prednost pri prijemu u obrazovnu grupu dat će se osobi s invaliditetom.

IV BROJ KANDIDATKINJA KOJE SE MOGU UPISATI NA PROGRAM

- a) Jedna obrazovna grupa - 12 kandidatkinja maksimalno u okviru jedne obrazovne grupe.

V NAČIN REALIZACIJE PROGRAMA OBRAZOVANJA I TRAJANJE

Program se realizira u obliku predavanja i vježbi te na druge primjerene načine u skladu s definiranim programom.

Program traje 120 časova, pri čemu jedan čas traje 45 minuta. Nastava će se odvijati dva puta sedmično i definirat će se Ugovorom o edukaciji/obrazovanju. Početak nastave je: 20. februar 2023.

VI TRAJANJE PROGRAMA I UVJETI ZA ZAVRŠAVANJE

Bit će ukupno šest provjera utvrđivanja ispunjenosti općih i specifičnih ishoda učenja, u skladu s brojem modula u okviru Obuke.

Uslov za pristupanje ispitima jeste ostvareno prisustvo nastavi od minimalno 70% ukupnog predviđenog fonda sati tokom realizacije sadržaja na koji se odnosi provjera znanja.

Smatra se da je polaznica uspješno položila ispit ukoliko ostvari minimalno 60% ukupnog broja bodova predviđenih završnim ispitom. Uvjerenje će dobiti polaznica koja ostvari minimalno 60% ukupnog broja bodova predviđenih programom, s tim da na svakoj pojedinačnoj provjeri znanja ostvare također minimalno 60% bodova.

VII NAZIV ISPRAVE KOJA SE IZDAJE PO ZAVRŠETKU PROGRAMA

Po završetku Programa i zadovoljavanju svih kriterija polaznici će biti izdata odgovarajuća isprava o obrazovanju kojom se potvrđuje da je ustanova provjerila i potvrdila ishode učenja i to:

- Uvjerenje o završenom usavršavanju ili osposobljavanju.

VIII VISINA ŠKOLARINE

Obuka je za polaznice besplatna. U slučaju da polaznica neopravdano i bez informisanja i saglasnosti Izvršne direktorice prekrši uvjete za završavanje obuke, navedene u članu VI ovog



konkursa, dužna je platiti iznos troškova školarine u potpunosti. Troškovi školarine na komercijalnoj osnovi su 550KM.

IX SPISAK POTREBNE DOKUMENTACIJE

Polaznice u prvom krugu se prijavljuju putem [online formulara](#). Potrebnu dokumentaciju dostavljaju SAMO polaznice koje su primljene nakon okončane konkursne procedure u obrazovnu grupu.

- a) Prijava za upis koja se preuzima lično u ustanovi ili online;
- b) Izvod iz matične knjige rođenih;
- c) Potvrda o mjestu prebivališta – CIPS;
- d) Uvjerenje o državljanstvu;
- e) Svjedočanstvo o završenoj srednjoj školi (najmanje III stepen) ili Diploma o završenoj visokoj stručnoj spremi;
- f) Uvjerenje nadležne službe, ne starije od 15 dana, da je kandidatkinja nezaposlena, područje Kantona Sarajevo.

Konkursna dokumentacija dostavlja se u originalu ili ovjerenom fotokopiji, ne starijoj od 6 mjeseci od dana objave konkursa, a nakon što je kandidatkinja obaviještena da je primljena u obrazovnu grupu na osnovu rezultata konkursa.

X ROK ZA PREDAJU PRIJAVA I NAČIN PRIJAVE

Konkurs je otvoren najkasnije do **10. 2. 2023. do 15.00 h**. Kandidatkinje se prvo prijavljuju putem [online formulara](#). Nakon što se provede konkursna procedura koja uključuje i usmeni intervju, odabranje kandidatkinje dostavljaju dokumentaciju iz člana IX.

Sve dodatne informacije mogu se dobiti na broj 033/710-650; fax: 033/710-651, e-mail: info@nahla.ba.

XI RANGIRANJE KANDIDATKINJA

Ukoliko se u okviru konkursne procedure prijavi više kandidatkinja nego što je definirano u odjelu IV, cijenit će se po osnovu člana 52. stav 3 Zakona o obrazovanju odraslih („Službene novine Kantona Sarajevo“, broj: 40/15, 40/20). Konkursna procedura će obuhvatiti:

- Intervju motiviranosti, ranijih iskustva, predispozicija za rad u oblasti i spremnosti na usavršavanje i povezivanje s poslodavcima.

Komisija koju odredi izvršna direktorica odredit će bodovne kriterije i predložiti rang listu kandidatkinja.

XII ROK ZA OBJAVU REZULTATA KONKURSA

Rezultati konkursa bit će objavljeni najkasnije u roku od 5 dana od datuma zatvaranja konkursa na web stranici Organizatora obrazovanja odraslih (www.nahla.ba).

XIII POUKA O PRAVNOM LIJEKU

Kandidatkinje koje ne budu primljene na neformalni program obrazovanja na koji su konkurisali imaju pravo prigovora izvršnoj direktorici Organizatora obrazovanja odraslih u roku od 5 dana od prijema obavještenja o rezultatima konkursa.

Za sve ostalo što nije navedeno u konkursu primjenjivat će se odredbe Zakona o obrazovanju odraslih („Službene novine Kantona Sarajevo“, broj: 40/15, 40/20) i ostali podzakonski akti koji regulišu oblast obrazovanja odraslih.

Broj: 30/23

Sarajevo, 30. 1. 2023.



IZVRŠNA DIREKTORICA

Elvira Leka

Lokalno partnerstvo za zapošljavanje Novi Grad Sarajevo je jedno od 20 uspostavljenih u zemlji u okviru projekta "Podrška Evropske unije lokalnim partnerstvima za zapošljavanje – Faza II" (LEP II), koji Evropska unija finansira s 4 miliona eura, a provodi Međunarodna organizacija rada (ILO). Ovaj projekat ima za cilj da doprinese poboljšanju prilika zapošljavanja u lokalnim zajednicama dajući podršku razvoju lokalnih partnerstava za zapošljavanje kao partnerski uspostavljenih mehanizama za tržište rada koji osiguravaju pristup formalnom zapošljavanju na lokalnom nivou. "Lokalno partnerstvo za aktivaciju i integraciju nezaposlenih na tržište rada" čine: Općina Novi Grad, JU Služba za zapošljavanje Kantona Sarajevo, Centar za edukaciju i istraživanja Nahla, Dizart d.o.o., TMP d.o.o., Udruženje trenera CEFE u BiH i Herbal Spa d.o.o.

Za više informacija o projektu LEP II posjetite www.partnerstvo.ba i kanale društvenih mreža (Instagram, Facebook, Twitter i YouTube).